

leuis animi, paruae potentiae, modicae scientiae & cognitionis, cadens à bono statu in peiorem.

Si fuerit Venus domina ascendentis in bono loco in angulis uel succedentibus non impedita, natus erit pulcher, pius, uelox, dulcis loquelae, acceptus, & lætabundus. Si fuerit mali esse impedita uel cadens, erit inmundus, menstruofus, occulti secreti, & muliebris uitae.

Si fuerit Mercurius dominus ascendentis in bono loco non impeditus, natus erit bonus Orator, sapiens, pinguis, pulcher, philosophus & poëta, consul principum. Si impeditus fuerit, erit mendax, exercens falsitatem, magis stultus quam sapiens &c.

Scias autem quòd cuiuscumque planetae Mercurius iungitur in illius naturam conuertitur. Nam si Saturno iungitur, natus erit grauis linguae, inuidus, occultator suae maliciae, Chyrurgicus, philosophus, luxuriosus contra naturam. Si Ioui per conjunctionem uel aspectum, mundum, ueracem, discretum, honestorum uerborum, Cancellarium, & consulem principum significat. Si Marti, facit mendacem totum, decertorem omnium, etiam ad mulieres & uirgines. Si Sol, sociabitur Regibus & eorum scriptoribus. Si Veneri, erit amator omnium scientiarum, bene loquens, bonus arbiter & procurator. Et nota quòd hæc prædicta omnia de Mercurio, conueniunt etiam Mercurio in domibus & terminis planetarum eorundem, perinde ac si eis coniungeretur &c.

Finis secundi libri de iudicijs natiuitatum;